



**CULLETTIVITÀ TERRITURIALE DI CORSICA  
ASSEMBLEA DI CORSICA**

**1<sup>IMA</sup> SESSIONE URDINARIA PER U 2016**

**SEDUTE DI U 14 È DI U 15 D'APRILE**

**N° 2016/O1/021**

**DUMANDA À BOCCA POSTA DA M. Paul-André COLOMBANI  
À u nome di u gruppu « FEMU A CORSICA »**

**OBJET : Riserve d'acqua in u stremu suddu**

O Sgiò Presidente di l'esecutivu, a mo dumanda s'adirizza à u Sgiò Saveriu Luciani, Cunsiglieru esecutivu, Presidente di l'Uffiziu d'Ecchippamentu Idrolicu di a Corsica.

O Sgiò Presidente, cum'è ognunu quì a sà, a Corsica hè un'isula chì hè spessu qualificata di Muntagna in u mare. Hè cusì chì e riserve d'acqua sò venenu pè u più da a neve sculita da i nostri cimali i più alti.

Senza esse specialistu, si pò custattà faciule, ùn fussi ch'è vistu a debbulezza di i fiumi, chì e riserve in acqua in u stremu suddu sminuiscenu.

I nostri matrali anu u so da fà à ricustituisce e so riserve è dunque à empie si.

S'è a causa hè forse liata à l'effetti di u riscaldamentou climaticu, induce parechje conseguenze in vista di a stagione d'estate. Al di là di tuttu ciò chì interessa l'ambiente : sicchia, risichi d'incendii,..., penurie pussibile d'acqua puderanu avè un effettu nantu à a cumudità di l'avventori regulari è occasionali.

À a vigilia di a stagione turistica, l'eletti è i sucioprofessionali sò inchieti in quantu à i risichi di penuria d'acqua.

Ci pudite fà un inventariu di a situazione attuale per ciò chì tocca à e riserve d'acqua ? Vole a messa in piazza di dispusizione particolare issa situazione? S'ella hè cusì, qualesse sò ?

Infine, più particularmente, chì sò e prospettive di privenzione di stu risicu ch'ellu pò considerà l'Uffiziu di l'Ecchippamentu Idrolicu di a Corsica per solve issu problema chì si ripeta ?